

治

平

通

議

治平三議序

治平三議者虬癸未病中之所爲書也虬昆季五人肩  
關枕葑自相師友皆薄有時望而尤以幼弟叔和爲翹  
楚器宇軒翥開敏邁諸兄羣冀倚成以事業壬午春以  
病療亡虬時悲不欲生顧影子子嗒然若喪其軀歲暮  
遂病病幾死呻吟卧牀簀者二百餘日藥鼎茶鐺昕夕  
相對蓋裘葛忽忽已兩更矣自維先世隱德勿曜幸有  
子能讀書矣而皆未見用不克大陳氏閭恐一旦溘先  
朝露繭然與草木同腐長此寂寂何以慰先靈於地下  
念生平稽述皆皇王經世略烏可令斬焉無傳乃於癸  
未之秋鏤膚鑽髮伏枕畫被口繹以詔四弟國琳筆之

於書病尋愈磨丹漬墨竟不能再加筆削爰補十科表  
於後行焉雖恢張綱目於今未必盡可通然大抵裒元  
皇極牒闡聖功洞然於民物登耗人材否泰之故體羣  
經副諸子損益中西斂爲治術獄立儒先間要亦一家  
之學有足多者錄而存之或天不欲其遽死使增益所  
不能終得聞乎內聖外王之旨吾兄弟異日當更有進  
焉未炯也名山石室待乎其人姑以此錄先爲之券云  
時光緒十年歲次甲申春王月陳虬志三書於瑞安城  
東之利濟堂

治平通議卷七目錄

治平三議

宗法議

封建議

大一統議

十科表一

十科表二

三公七等十科表三

治平三議卷七

治平通議七

東甌陳虬志三

宗法議

孔子曰吾觀於鄉而知王道之易易也孟子曰天下之本在國國之本在家然則欲治天下者亦務其親者近者而已矣天下之子無不孝也天下之弟無不弟也父無不慈也兄無不友也以父兄之無不慈不友也而子弟乃有不孝不弟何則甚愛則狎甚狎則犯子弟而狎犯其上斯亂成矣然則親近而無法雖與之天下猶不能以一朝居也欲善其道則莫如宗法法於一鄉之中姓立宗子一人而復設宗正以爲之輔凡事皆決於宗

正朝廷皆給以圖印

文曰某鄉某氏宗子之印某鄉某氏宗正之印

宗子以長

宗正則以德由闔族公舉宗正以下設宗史一宗卒二

皆爲制俸宗各設祠前以聽訟獄歲器物後以處鰥寡

孤獨之無後者乃制爲冠婚喪繼之法凡男子年十六

父兄爲告於宗子乃擇吉加冠於宗祠宗史祝未冠者

不得議婚違者髡其首没入爲奴

素問上古天真論丈夫二八腎氣盛天癸

至精神溢寫陰陽和故能有子

冠取成人之義故改從十六婚之法男自十九以上

女自十七以上至三十皆可婚之時婚定三月而遣嫁

屆期壻具新衣一襲奠雁以迎新婦禁奩費違者籍其

資於宗而火其無用者凡議婚先時遣嫁後期者則離

異罪其家督如男女無行年三十無與爲婚者男没入

爲奴女沒入爲妾娶三月而廟見無婦道者還準再醮

醮再被還者亦沒爲妾

古人三月反馬煞有深意宋儒徑改爲三月白廟兒便失其旨夫

三日豈能知其無婦道哉

垂三出兩去之法以制室家婦忤逆翁姑

虐待前妻子與辱詈丈夫者出丈夫而交匪類與習下

流無恥者婦得自請去

交匪類謂行劫偷盜入教黨下流無恥謂爲家逼娼總爲五條

此皆與本婦罪名名節有關故得自請去不可妄列多欸致有以妻乘夫之病按古秋胡與晏子之御及朱賣臣之妻皆有下堂求去請去之冠婚之禮所以遂人之

生而喪繼則於送死之中寓親睦之意焉父母年五十

者皆當爲製棺槨後事先事者聽而宗子復多設以待

不時之需五服之喪有不舉者罪之禁僧道佛事

喪服五等

擬別以冠履帶三事凡斬衰用麻齋衰用苧大功用線澣紩已小功用布總服用黑布

葬以三月

爲限違者宗子則以族葬之法行之柩不得露宿於外

未葬者不得相嫁娶犯者科以不孝之刑

停柩在堂而行婚嫁吉禮

此實不祥之大者以骨肉至親而露宿其柩於外視同陌路此豈復仁人孝子之心哉

禮大宗不

可絕小宗可絕今變通其制唯同父之子始得相繼繼

不異祖所以睦兄弟也大宗則不拘未娶者不繼繼而

復絕者不再繼繼者不兼祧無後者沒入其貲於宗而

喪葬祠墓之事則一主於宗子歲四月中月宗子率族人

會祭於宗祠先期三日集射以興賢能

射取其志正體直練習筋骨以

便他日游藝之基

中選者得與執事祭畢列坐以齒宣講令甲

無使或忘凡刑有十輕刑五重刑五曰朴以治罷輓曰

鞭以治頑梗曰笞以治鬪毆曰枷以治毆傷曰黥以治

傷人成廢者

凡傷人成廢者別視輕重以罰鍰貧者沒爲奴官爲給贖

曰矐以止博

吸洋煙者同科按矐刑非古也然古實有是法史記荆軻傳秦始皇善高漸離擊筑重赦之乃矐其目字本作

推前漢五行志高后支斷戚夫人手足推其眼以爲人

焱註推謂敲擊去其精也類篇矐失明也義本相仍漢書翟方進傳多辜推爲姦利者王莽傳豪吏猾民辜而

擯之知霍雀古多相通索隱謂矐以馬矢熏令失明恐

非本義亭林顧氏謂當復官以止奸復曰宮以止奸曰

別以止盜曰經曰殺則皆死刑殺人者死賜死曰經戮

死曰殺經以處誤殺以處故凡黥之法初犯刺背再刺

臂三刺面面而再犯者經毆尊長者初卽刺臂視平人

加一等不孝者初卽刺面再犯則殺而梟其首以徇誣

告者坐輕刑宗子得自決之重刑則勘實而上於朝閱

實其罪乃麗於刑宗設小學女學各一師則命自朝廷

實其罪乃麗於刑宗設小學女學各一師則命自朝廷

凡俸糧皆取給於朝官曰俸民曰糧計一宗田畝糧賦

應出之數而扣足俸糧納其餘於鈔科歲終則核計闔

族丁男及衛丁若干人

分三等未及十六爲幼丁六十

人選一

載其名字身材生日

次年則不必全載唯

計開除新增而已

年而一更造冊以上於兵科朝廷有事則下其符於宗

子宗子復推其法於各房房有長長以率其房而專其

責於家督如宗子不能自舉其職者聽詣闕告免禁錮

終身而攝以宗正此其法也一閩之市有鬥焉者他人

勢格理禁而不能止臨之以父兄則其氛自息者情輸

於所親氣阻於所尊人也而天動焉矣盤庚之誥曰古

我先王暨乃祖乃父胥及逸勤予敢動用匪罰其在詩

曰宗子維城無俾城壞其知此道矣後世宗法不立而天下亦能少安者胥吏之天下耳豈足以語天德王道之大哉

封建議

議者曰封建不行故宗法不立予則曰宗法既立然後可議封建上古之世狃狃獠獠自人其人迨生齒繁而倫序定然後人有其家於是先王下坎上坤取象乎比設爲萬國以封建諸侯然則由己以及人由親以及疎天下者固一家之所積也今乃曰宗法由於封建嗚呼此非探本之論也今宗法已立矣而封建之道復何如夫道亦視宗法所未及者推而廣之而已矣法以今省

府廳縣之大小爲公侯伯子男等國國有君君有傅曰  
太師太傅太保是謂三公凡國之大事君以爲然三公  
以爲否則格不行君以爲然三公或然或否則詔本科  
太宰及左議曹等參議謀衆乃從國設十科曰歷曰醫  
曰農曰工曰禮曰樂曰刑曰兵曰訓曰鈔另詳於表坵  
後首曰歷歷者欽若之初政敬授之急務故首之醫者  
變理陰陽登民仁壽故以爲次農以養人工以利用  
皆民生所急故歷醫後卽次二科而通商之事則增於  
工夫子策衛富庶之後始繼以教故禮樂刑兵又次之  
訓者道也謂以道自任也左氏傳故告之訓典注先王  
之書書康誥矧惟外庶子訓人鄭注訓人師長蓋上自  
天子下至庶人箴糾關失宣揚文教皆主以是科科凡  
十曰鈔會稽國用流通貨泉宜設專科故以爲殿科凡  
六等曰太宰曰少宰曰左議曹曰右議曹曰司曰給事  
給事則初升於鄉學者卽所謂一命之士也凡銓選各

以其科科設司六給事遍六司乃得升司司五轉乃得  
至議曹各司以上各以三年爲任未任滿者不得調少  
宰以上則不計事有損益司上其事於議曹議定曹牒  
其事於少宰少宰乃簡其要者著爲書頒賜給事使肄  
習之太宰以馭吏議曹以下皆主於太宰少宰以上則  
君主之此黜陟之法也一命之士倍農夫之所入祿約  
五十千司三其祿議曹則倍之左議曹以上各以其一  
登合三公之所入當其君之祿此制祿之法也自三公  
至給事厥等凡七鄉自士以下曰農曰工曰商曰生通畧  
文墨而無曰隸曰奴指有罪等亦有七所以明上下別  
常業者而免者

流品也國君一娶五女后一嬪四取備五姓議曹以上

得置二妾諸司以下置妾一此制等之法也官制既定然後井田學校可次第而復焉顧或者難之曰今井田法廢已數千年矣一旦欲復其法非壞人廬舍夷人塚墓其法不行又有爲之說者曰今之時貧者無立錫富者連阡陌今欲計戶分田爲貧者計固得矣其如富者之不便何井田不復而欲復古學校之法吾知其難也然此皆非所慮也夫善用古法者師其意而不襲其迹相地形之廣狹以損益其溝洫去公田之法而定什一之賦又安在非井也入田百畝以上者封爲下庶長千畝者爲中庶長萬畝者爲上庶長上庶長之秩視議曹下庶長視分司歲時得奉朝請而免其子孫徭役各有

差

上庶長三代中庶長二代下庶長一代

如是則富者有所勸矣學校之

制鄉各有宗

法改今之都爲鄉

宗有小學所以習幼儀也十三

而入鄉學則教讀司領其事教以六藝

六藝禮樂射御書數也今御已

先傳子請以騎射侑舞拳勇等法當之

三年汰其無用者使歸農學成則

教讀司給以單而貢於朝分科肄業乃處以給事任之

五年而燕老君親臨之六十以上各賜鳩杖以年之旬

爲差凡此皆學校中所有事也於是復設爲三稅之法

以御國用田有租

說文租田賦也長箋且古租字田賦用以給宗廟故从且市有廛

周禮地官廛人掌斂廛布而入於泉府注廛市者貨賄

諸物邸舍之稅

王制市廛而不稅注廛市物邸舍稅其

舍不稅

人各有賦說文賦斂也周禮天官太宰以八則

率出泉也爾雅釋言賦量也

注賦稅所以評量亦是此義計三項之所入以其三十

之一貢於天子以其九為羨餘而以其餘制國用不足

則加賦而一切公旬徭役與夫關市鹽鐵雜稅胥免焉

國朝仁皇帝有永不加賦之諭故軍興以來實官

需爵設關立卡無所不至而獨不敢議及加賦其實科

派雖多僅供猾吏奸胥中飽而已孟子曰君一位卿一

位大夫一位上士一位中士一位下士一位凡六等然

則君去庶民僅六等耳其尊非獨絕於人也君十卿祿

卿祿四大夫大夫倍上士上士倍中士中士倍下士下

士與庶人在官者同祿祿足以代其耕也君為制祿然

則祿之外君不得有所私矣後世名法家倡為尊君之

說於是乾綱獨攬居其位者輒以犬馬之道馭其臣民

威福自專復侈然日從事於聲色苑囿狗馬之娛而篡

弑之禍烈矣唯以世及之尊歸之於君以絕覬覦復以  
獻替之權還之保傅以綜綱紀有君之尊無君之禍有  
治民之實無厲民之患所謂於封建之中寓傳賢之意  
者此也由其道行之雖百世可也然則封建宗法亦一  
而已矣

大一統議

或問於陳子曰史稱黃帝之時地過日月之表意者聖  
德廣運覆載無遺今中西一家偶俱無猜電機所發杪  
忽萬里聲教之訖無遠勿屈環地球以遊半載可週蓋  
駭駭乎有大一統之勢矣敢問其道何如陳子曰唯唯  
吾聞孟軻氏有言天下之定定于一蓋七曜齊明光不

敵日百川競流終歸於海何則萬國並建天必篤生非常神聖之人與天地合撰與日月合明使之憲章往古開闢中外勸古今未有之盛治故於萬國之中羣推以爲君然居是位者豈惟是異徽號改正朔議明堂講辟雍制郊祀之禮已哉非德足以綏遠威足以止暴必不能長駕遠馭使天下翕然從風法當損益十科之法以治王畿而復約於東西半球之中設監二各隆以王爵文曰宣文駐印度武曰靖武駐美國文則頒正朔行夏時

齊冠服

常服可如其俗朝服當歸于一

通鈔法均量衡同文字

文有四

曰番書曰華番草書小篆多主形番書多主聲各有義理亦不可沒草書華番皆有當另勒成書以便遵行今定凡朝賀大事當用小篆尋常公牘華夷各如其舊正通行可用草書隸變古楷入俗均屬字妖概行燬棄正

音讀

當另勒韻書而設官掌之

刪經史

經收古注而約採後儒之說以增之史收正史而酌收野

史之近正者一切稜濫無用之書皆雜拉燒之不必以祖龍遺法爲病也

開學術

融會中西分門肄習

修公法

酌修中西通行者數十條

以齊天下之耳目以一萬民之心

志蓋道一風同固王者之隆軌也王歲出巡歸乃頒來

年之歷於各國而上各國之貢稅於天子元旦則設御

座以受各國之朝賀焉武則統率各國之衛丁

井出一丁秋冬

習擊刺是爲衛丁

以備非常無事則各居本國有事則飛檄兵

科二宰統之以行諸侯有篡弒叛逆不庭者監內各國

共討之夷其城郭分爲數小國銷天下之鎗礮有繳而

未盡及私鼓鑄者十家同坐此其大較也然後廣輪舟

鐵道之制以通中外之氣國有水旱饑荒不能自賑者

詳其狀於二王勘寶檄取鄰粟以先賑徐行奏請帑銀以還鄰國餘如河防海運以及不時興革之費皆均攤於各國而朝廷派大臣以掌之凡此皆以爲吾民也故聖人之治天下也操天下之利權而調劑其盈歛以天下之利還之天下而已無所私焉夫聖人之爲是兢兢者豈無故哉以爲天之生斯民也粗衣糲食苟率其常皆各有其百年之用迨嗜欲勝而本真喪人始有逆折者矣攻取繁而殺運開人始有橫死者矣造物能生人而不能必人之生於是誕生聖主俾以聰明勇智使出吾民於水火而登之以衽席而猶慮尙有擾吾民之生者故分田制祿立國設監使上下各相安於無事負嶠

之虎出柙之兕肆其狂噬之威無所不至一旦處以圈  
牢檻阱之地時其飲食久之而馴良如羊豕矣聖人以  
一人安天下而後世乃以天下奉一人嗚呼此豈造物  
立辟之意哉或者曰煌煌大言吾旣得聞諸吾子矣請  
問其兆曰讖緯之術難以喻人請毋以數而以理夫理  
亦視夫聖人之教而已今者耶穌天主之教闖然而來  
吾國其實彼教之所以來正吾教之所以往如周孔之  
教遍天下則人各明其五常之性如昏而得旦羣星掩  
光而日乃出而經天矣吾子懸盼以望河清可也曰顛  
蒙之識願聞其詳敢問一統之勢將由中併外耶抑由  
外併中耶曰斯義也吾嘗受易學於仲兄矣

二兄仲航  
師精易數

所言多驗仁冠五常乾統四德此其彰明較著者將來亦視其國之習尚何如耳孟子曰不嗜殺人者能一之斯言也豈僅爲七國發哉曰吾聞君者羣也王者民所歸往也皆於人起義天子亦人君耳而號獨稱天子者何也曰若天下一統分國以億萬計地醜德齊莫能相長天若特生一子以子元元安天下所謂昊天其子之也故曰天子然則天子者固乾坤之一大宗子也吾故曰宗法之道通其變可以致治平者此也作治平三議

十科表一

太宰

少宰

左議曹右議曹各司

給事

掌議本科之簡本科之凡國有凡各司科設司由鄉學政典宣布絲治要以著大事則有事則六司無考取

繪澄敘官方為書頒賜詔本科集議於定員隨事遇六

以六事取吏諸司給事太宰少右議曹時添設司乃得

駮者三日貪使肄習之宰集議議定然陞轉之升司

日酷日庸貪宰設左右曹而後議事於左其法視表

者駮酷者刑監以應陞曹議定議後上其法視表

唐若朴而免右議曹未而後議事於左其法視表

之陞者三日得缺者補而後議事於左其法視表

各榮以明日能之準集議補右掾史右掾史左

奏請璽書褒監設長史無定員無定員

美宰設左右監補之會任以應陞

以應陞左議曹未得缺者補之司者未

曹未得缺者補之司者未

監設長史

十科表二

歷科

太宰 少宰 左議曹 右議曹 靈臺司 給事

掌測候推步之

政  
考驗天算修改  
歷法

歷算司

掌天算輿地之

事  
詳二差以定歲  
里測二極以分  
經緯

測驗司

掌占候測驗之

事  
占雲物以備旱  
潦紀災異以修  
政令

時憲司

醫科

掌憲書吉凶之事  
刻漏製晷立表  
鳴鐘  
定晨昏啟閉之  
節詳寒暑衣服  
之宜

堪輿司

掌建置葬埋之  
事  
鑿凶地以翦暴  
設義塚以惠民  
選擇司  
掌諏日擇地之  
事  
禁私家選擇

太宰

少宰

左議曹

右議曹

蘭臺司

給事

掌大小男婦之病  
歲終冊報以定  
考成

保嬰司

掌小兒痘疹之病  
兼理嬰堂事務

外科司

掌瘍科正骨之

事  
工推拿以調嬰  
孩精鍼灸以起  
痼廢

象龍司

掌醫牛馬之病

精膳司

掌飲饌之政  
諧食物以節寒  
溫講烹調以示  
宜忌

水火司

掌水火之政  
取水火潔水泉  
兼理救火蒸汙  
事務  
清街衢潔溝瀆  
禁燒穢物以靖  
疫氛

農科

太宰

少宰

左議曹

右議曹

墾田司

給事

掌農工之政  
物土宜以廣種  
植精化學以培  
地力

清場司

掌山場河塘之  
事

水利司

掌水利之事

種植司

掌種植之事  
相土宜以植名  
木搜隙地以蒔  
雜樹

畜牧司

掌畜牧之事  
家畜雞三雄一

工科

太宰

少宰

左議曹

右議曹

管繕司

給事

雌二鷲鴨鷓便  
井共畜牛羊豕  
各二

青苗司

掌給貸籽種之  
事  
春放秋收酌收  
徵息一主以穀  
不準折錢

掌管繕製造之  
事  
禁淫巧懲違制

商務司

禮部

太宰

少宰

左議曹

右議曹

儀制司

給事

掌中外通商進出口貿易之事

清市司

掌市街貿易之事

礦務司

掌開礦之事

機器司

掌機器之事

考工司

掌工作之事

掌朝野五禮之

制

譜牒司

掌譜牒之事

誥勅司

掌誥勅之事

祠祭司

掌考禮祀之典  
去淫祠修廢祀

文定司

掌婚嫁之事

主客司

掌四裔職貢之  
禮

樂科

太宰

少宰

左議曹  
右議曹  
協律司

給事

掌撰述樂章之事

行人司

掌輜軒之事

象胥司

掌中外語言文字之事

繙譯司

掌譯外番各部文字之事

鴻臚司

掌宣講唱贊之事

刑科

太宰

少宰

左議曹

右議曹

慎刑司

給事

佾舞司

掌佾舞之事

掌赦恤之典

律例司

掌比例駁案之事

承訊司

掌訊究刑名之事

督捕司

掌督捕盜賊之事

兵科

太宰

少宰

左議曹

右議曹

方畧司

給事

稽察司

掌稽察獄囚工  
作之事

提牢司

掌管獄卒囚犯  
衣糧之事

掌方畧之事

安插司

掌安插之事

保甲司

掌保甲之事

巡徼司

掌巡徼之事

擊刺司

掌擊刺之事

驛務司

掌驛務之事

訓科  
太宰

少宰

左議曹  
右議曹

封事司

掌劾諷之事

顧問司

掌備顧問之事

給事

起居司  
掌紀註之事

教讀司

掌鄉學教讀之事

宣講司

掌宣講經史之事

採聽司

掌採聽時事以備獻替

鈔科

太宰

少宰

左議曹

右議曹

職方司

掌輿圖戶口之數

給事

權稅則以制國  
用彙蓋藏以數  
民財

會計司

掌歲計出入之  
務製國服以御豐  
歉設官鈔以惠  
上下

賦稅司

掌錢糧稅務之  
數

倉庫司

掌倉庾雜糧積  
貯之數

平準司

三公七等十科表三

|    |     |           |
|----|-----|-----------|
| 一等 | 太師  | 太保        |
| 二等 | 太宰  |           |
| 三等 | 少宰  |           |
| 四等 | 左議曹 | 監         |
| 五等 | 右議曹 | 監         |
| 六等 | 六司  | 左掾史長史     |
| 七等 | 給事  | 左右監       |
|    |     | 太宰右少宰右左議曹 |

掌權量之務  
復古尺度以同  
量衡權市物價  
以劑盈虧  
鑄造司  
掌鼓鑄之政令  
復五銖錢以遏  
盜鑄造三品幣  
以御盈虧

監

監

右掾史

上庶長  
中庶長  
右議曹

左掾史

右議曹

右掾史

宗子

宗正

下庶長

治平通議卷七

終

螻廬文畧序

虬少孤廢學聞道遲暮願生平於書無不好於文亦無所不學學焉而間得其近似輒亦頗自喜久而始悟其非夫文者心之華也學成氣充而文生焉若斤斤於義法聲調之間摹繪誇績以爲工品斯下矣學者不求之性情根本之地而徒緣飾經術摭摭語錄自託爲因文見道未爲知言也予旣不甚留意於文文亦不自珍惜遂聽其散佚或以爲請曰先生於文雖未爲工然固先生之學術性情志趣氣象之所流露文不必存先生不可以無傳乃偉其言雍彌其蕪雜無用者錄爲螻廬文集若干卷茲復刺取其有涉於經世者十數篇附於治

平通議後都一卷別署曰螫廬文畧侏儒觀一節亦可  
以得其概矣文云乎哉時光緒十九年歲次癸巳冬月  
陳虬志三書於瑞安城東之螫廬

治平通議卷八目錄

塾廬文畧

善舉儘可計利以圖擴充說

醫院議

女嬰堂議

溫郡捐變文成會議

記同人集事

擬廣心蘭書院藏書引

溫州出口土產宜設公司議

樂清東西二鄉宜急設保甲局議

瑞安廣濬北湖條議

斗山陳氏睦族四議

均子篇

求志社記

史法章

書校邠廬抗議後

書顏氏學記後

螿廬文畧

治平通議八

東甌陳虬志三

善舉儘可計利以圖擴充說

人性之善猶火之附薪無以發之則不明善在行不在  
言在實不在名而實非彊有力者不能行雖行亦不廣  
以財分人愈分則愈少以火分人愈分則愈廣故君子  
慎所分今天下善堂衆矣皆惑乎爲善不可計利之說  
故開辦之始皆踴躍輸捐其繼也皆以費絀而止虬謂  
可捐則逐年加增而開辦之始則儘可權其子母以爲  
久遠之計如醫院嬰堂

議均見

義渡

兩岸排列船隻標明渡夫姓名年齒

岸口各設錢櫃擇樸誠人司其事而榜其上曰此爲某渡定例需錢每人幾文貨物照數留難重載向受其害

特設義渡以便行人人數一定放籌照行特告仕商照  
舊施錢積有餘貲置船救生再以其餘接修橋梁偶失  
攜帶儘可勿輸本借錢局始於揚州而邵小村中丞繼  
係義渡無籍區區借錢局行於餘姚或曰因利局皆不  
取息茲議人以二千爲率五日一收三月而舉每日應  
繳二十五文計息可謂重矣然人得二千文爲母每日  
所贏子錢約可得數百入口之家即可無饑本利帶繳  
限滿而貲本長留矣局中造冊後遇家道隆裕者亦當  
令其自清節堂畧做女嬰堂遺意在堂三十年或年屆五  
行酌捐清節堂俟子能娶婦或在堂三十年或年屆五  
十方准娉婦出堂每日亦令繳工作錢三十文子嗣興  
起者勸隨量捐助堂費娉婦終日無事易起外心否則  
日事經齋流爲廢疾院亦當少收其等類勢非一地所  
左道爲害更甚

可了一時所能辦則欲擴而充之當必有道矣非開常  
捐收工價不可夫人當危急之時力有不贍而吾爲之  
濟其厄可也若彼力尙能自拔乃竟使之囚首待哺報  
効無門終其身受嗟來之惠永無遷善之日豈立法之

初意哉所貴乎善舉者充其量由一隅而達之天下修其法由一時而被之百世不欲獨居君子之名隱爲錢虜破慳囊明爲無告謀利賴飲之食之教之誨之使人人皆得以自勵庶乎可矣乃昧者惑乎義利之說輒疑二者不可得兼不知心乎利則無義非利心乎義則無利非義以天下之利公之天下而已無所私卽酌收薪水亦屬取廉不傷一入行之爲學術舉世效之爲風俗將善氣洋溢蒸爲太和翺飛歧息各得其所體天地好生之仁彌堯舜猶病之憾所謂凡有四端於我者知皆擴而充之若火之始然沛然莫之能禦善與人同其猶足多哉甲申

醫院議

疾病人所時有而命懸於醫醫關人之生死而道貴精

然非幼學壯行則技必不專而實非建院以督之不可

院設前後二廳翼以長廊廊左爲診室右爲藥房

平價便民

餘貲購置公產以其息爲捨藥之資

後以處學徒又建閣藏書以其餘修

置客房待遠來之就診養痾者植花木飾亭沼爲怡養

地舉通博有志學者董其事肄業學徒擇取聰穎子弟

十二歲以上者優其廩給假以十年以五年習醫籍五

年覽羣經嚴立程課而學成矣院中潤筆之資視常行

酌減貧者免人設號簿午前在院輪值午後各自出診

日以十五人爲限在院滿十年者視所入醫資多少不

足三十六千則院中代爲補足其數每人歲計所入提

還二成歸院充公費

公費除添給薪水外以五成購書以五成置產

皆永爲例

權其利益厥凡有八醫道專精貽誤自少利益一書籍師友隨處獲益修德進業人得自立利益二院設藥房考驗本草得其泡製收藏之法不特僞藥可捐亦且深諳物性別資啟悟利益三院設客房以便養痾既可免其投親租寓之煩又可省其遠地延師之費况有花木亭沼頤養性情病當易愈利益四減潤出診病家既省醫藥之費醫者又得薪水之便人已兩利利益五學徒在院一滿十年每年即可坐致三十六千節省者可紓內顧專心志學利益六院醫工便庸醫自絕醫道消長民命所關利益七院中既得良師益友附驥益彰道苟

不朽俎豆長留利益八夫醫不三世不服其藥十全其  
六猶爲下工故周禮醫師隸於天官誠重其事也醫道  
不明雜流競進於是艸澤無識之徒以生人之道爲殺  
人之具毒流禍積曾莫之悟一二才智之士振興其間  
者亦復著述之功深診治之日少如性理經濟家言鑿  
空易竒徵實多謬而軒岐之道幾乎熄矣夫百工居肆  
以成其事君子學以致其道僚之丸基之射庖丁之解  
牛特一藝之微耳然皆用志不紛乃凝於神況其爲身  
家之重性命之微可漫然從事遽令其操刀使割耶在  
有志變理者廣之而已吾意天心仁愛禍不終窮必將  
篤生神聖以甦斯民於醫院乎卜之

甲申 虬曩偕陳  
介石 孝廉 何志百

明經陳栗菴茂才於瑞安城東初建利濟醫院一俟工竣刊發章程以便做行

### 女嬰堂議

育嬰善政也辦之者往往不得其法男孩尙易爲功女嬰每苦無術虐之如鴇豕之如豕人遂視嬰堂如廢疾院縱至出堂之後或取爲假女養媳鄰右親串亦恥爲伍終其身不能自拔人數過多經費不充於是朝暮更張或刻削衣糧或暗任販賣其隱遭病枉而死者又不凡幾則直以濟人之所爲坑人之場蒙甚傷焉議於城市隱僻之地公建一堂卽就寺宇修改亦可五楹兩座翼以長廊并溷園廁咸皆修廣令可供百人之用牀鋪須仿北地坑式可臥多人又多開小堂中自雇壯盛乳婦乳期以十月爲率隔以洩炭氣

濟以粥糜洋乳先後輪哺每婦可養十嬰

十月之後即可斷乳輪流

更替濟以洋乳故每人可養十嬰

須用乳婦十名每名計工食三十千

每嬰五千合以使費歲約千金當裕如矣措資之法選

勸殷實鋪戶日捐數錢中戶米月數升

皆分三等

約里千戶

歲一千貫不難致也

俟堂中公積罰鍰每年積有出息千貫者即行停捐

女嬰六

歲以後漸督以女工十一歲則每日令繳計工作錢十

文每年各加五文每日加至三十文即止不加年以十

月爲限能自勤作蓄積者有獎年屆十三各令夜課文

史及算數

書則千字文百家姓蒙求女四書毛詩幼學須知等類

以二更爲限

初辦

則延樸誠老成儒士後則堂中以次輪教

五年董事親試優劣各加賞罰定

期十九歲而遣嫁須令壻家捐堂費三十千嫁後每年

勸出堂捐三元以爲折禮夫家子嗣殷實者勸其續捐以廣堂產綜計每人自入堂以至出嫁堂中約需百五六十千今所得之數畧可相抵計十八年後便可驟得堂捐三千元每年約遣十人歲又可得堂捐折禮等共六七百元三十年後堂中歲可坐致千金不患其無措矣蓋此舉有數善焉收其身價而吾不傷廉繳足堂費而人無辜恩予以更生之路開其自新之門善一女嬰聰穎者五年夜課卽一生受用不盡人爭求娶善二督作女工每日限錢則自趨勤儉目前旣可消其邪念卽爲他日持家張本善三勤幹善搏節者約計嫁期約有私蓄數十千婿家并無破鈔善四女嬰旣畧識書將來

卽可教子誦讀可省父師數年之力善五人人視爲天堂不致猥棄并可令良家婦女附課善六堂產旣裕遂漸推行俗美風良蒸爲郅治善七嗚呼父母能生之勢不能自存此人道之窮所無可如何者也吾力能收養而顧使之淪爲異類蠢然爭雞鶩之食恤恤乎終其身與孤貧殘疾等毋亦仁人君子所盡焉心傷者乎吾郡嬰堂各縣皆有每年出數皆在千金以上外省市鎮之墟數萬金嗟咄立辦費又不患其無出此在一轉移間耳亦何憚而不爲哉

甲申

溫郡捐變文成會議

吾郡離省治一千餘里去京師里約近五千由郡東西

路行皆歷旬日始得達省垣通商以來輪舟雖通費亦相埒往者大比之年縣不過十數人於是好事者勸爲文成會以資川費郡人士以爲便然法多未備因僭爲末議四條以備蒐採一曰籌捐捐分三項曰義捐則初次所開辦者法視尋常一切捐數勸令輸助不得勉強不捐者聽俟將來集有鉅貲改爲興文社立祠尸祝勸始之人嗣有急公好義能自輸三百千以上者一例增祀社中勒碑匾詳列義捐姓氏以垂久遠曰學捐每年取入庠者核其冊銀學費之數酌捐數成歸公歲約可得百千上下曰仕捐宦成後無論貧富總計從前所得鄉會川資皆當一一還繳其宦囊較裕者另行公同議

捐舊法無常年之捐且有放無收經費支絀始一續捐  
其中遺漏苛派皆所不免實非情理之平學捐仕捐似  
不可少且可以杜他日續捐之煩瑣一日存管捐數既  
集多者宜置田產擇地建倉少者散存各典逐年清算  
而經管之人當優給以薪水舊法輪管並無薪水明似  
節省實隱多侵蝕富者既勢難代庖貧者又不免染指  
惟補給薪水方可責其實心任事一日給放每屆計子  
錢若干先提二成存貯餘數方行分給鄉試多者不得  
過十元會試多者不得過五十元約助川資三分之一  
每人各具領字一紙刻印填領存司事處備核扣發二成  
每人所少無幾而大宗則銖積寸累二十年後不可勝

用矣舊法盡數分給有多至四五十元者會中既乏公

積且易長儼薄子弟旅寓浪費之端欲興文教轉壞士

習非計之得也

吾鄉鄉會獲傳後一切用費甚鉅約需三四百千勢難獨減或卽於扣存二成

中酌發新貴數成

以資使費亦可 一曰公費須合全郡爲之每縣各將

應發文成另提二成以爲公用之費春秋兩試客期約

過百日人數又將盈千死病在所不免脫有意外其畧

知醫道與患者之親友皆將疲於奔命各有難言之隱

痛議就本郡延請時醫三數人赴省設局以便延接如

病故一應醫藥喪費皆局中代爲先辦回郡計息繳還

無力者聽同道相恤亦仁人君子之用心也且既有公

費卽可暗省私助人已兩利便如何之夫功名者造物

磨礪斯人之具惟稍難始可得之其過於便利者未爲  
幸也且前人川資之設助困非以繼富恐相形之見絀  
也貧富故渾於無形一體分給習焉不察遂有視於固  
然者亦可謂失其本心矣人縱不能慷慨好施爲鄉里  
稱首願令清白之躬隱受嗟來之食負疚入地揆之古  
人一介不取能無慙焉善持其後可也吾樂文成壤極  
矣近又創爲畫地之議而虬祖居在西鄉鄉多義豪當  
有起而任其事者因作此議以詒之

癸巳

記同人集事

吾友

君

倜儻有奇氣慨然有四方之志而

託其家室於虬虬無中人產而雅多親好力常不贍因

集同人之與君有連者人歲出洋五元以資周轉不足則虬自任之名曰同人集取易繫辭斷金義也事雖爲舉而法頗有足多者因併記之法聯同人爲十分每分歲出洋五元定期拈鬪輪收已得值者歲恆出洋十元以五十元歸值收餘入公積十年而畢計每分出洋五十元收數亦足相抵若得善爲經紀者歲以二分爲息卽可得公積洋四百元約可置田四五十畝定章輪值永爲各家世業或疑得值之人歲出十元慮將不繼不知得洋五十歲可別贏子錢十元卽購置田產雲江以南可得五畝不患費無所出若畏煩累自占後者聽輪集一週每人共有公私田產十畝若人生平手

舉五集卽可得業田半頃人已兩利斯亦惠而不費之一端也是集以爲首而介石志石栗菴棣生樸山及虬遇值收則舉而先俾之於君蓋六年後君亦當緩緩歸矣歸另捐入公積可券也吾鄉舊有緩急每多集親友爲成會之舉有至公法於首會外另聯十人年一會如欲集錢百千第一會出錢十四千五百每會遞減一千第十會僅出五千五百而一會每兼五會二會每兼六會或再以三四兼七八約二人互派以劑其平所謂至公也人數數目皆先預定收期出數序輪無差如遇輪收之人則首會代補其數蓋出入合亦十人爲會如欲集錢百千人之數亦適相抵云和歲出十千定期擲骰子爲彩以彩多者先得值定例等會名目亦頗公便但無公積以免爭端故日和合持其後無論會畢一闕而散而世風澆薄竟有中道罷舉者人遂視爲畏途惟鄉間猶爰類記以供擇宜而用

者借箸之助云

壬辰

擬廣心蘭書院藏書引

瑞安值全浙盡處由省垣東南行歷婺括萬山入東甌而縣治屹然斗出濱大江風氣阻上郡故邑鮮以文學功名自見其嶮奇英多之士皆苦無書可讀邑既鮮藏書家非雅有故者又不易借一瓶之艱與荊州等蓋得書之難古今有同慨也吾友許拙學先生於光緒壬申嘗首創心蘭書社同人以爲便時池廣文竹君林香史金韜甫兩上舍周莖衫林菊君兩茂材及虬兄弟仲舫實左右之定議之初人約二十家家先出錢十五千合三百千購置書籍續置有隔江塗田數十畝歲近又可

得息數十千益務恢廣自開辦以來積二十一年矣尋  
常文史畧可足用餉遺甚夥於是鄉里皆知有書社雲  
江以南漸有仿行者而拙學已先於丙戌赴道山不及  
見矣拙學堅定有志操於社事持之尤力慎重不輕舉  
而虬務爲開拓之論嘗被裁抑君死而尼之者尤衆然  
使君若稍緩須臾亦當久告成矣議行之始仲兄卽於  
是年舉癸酉拔萃科歲紀一週登賢書者踵相接乙酉  
則胡鶴汀福臣戊子則周仲龍拱藻己丑 恩科則  
虬倖綴榜末辛卯則邵梅笛慶章胡蓉村調元本年癸  
巳 恩科則陳介石徽宸蔣茂才星漁嗣君屏侯作  
藩二十人中五科之內蟬聯鵲起不可謂非稽古之力

也社友以社事之有成也促虬與何志石明經及介石  
栗菴等落成其事刻已得地於邑之東北隅面城臨水  
基可二畝餘會毗連有精廬寺僧淫縱爲檀越陳氏子  
姓所逐虬及門張生煜卿聳令歸社遂成諾刻議改爲  
心蘭書院公之合邑另行集議轉訂章程以竟拙學之  
志吾鄉南宋永嘉之學稱極盛然皆得之師友講肄之  
功屆今七百餘年山川之氣鬱久必發必將有慷慨閎  
達之材起而重修其學廣僕等所不逮者於書院乎基  
之諸君子得無意耶是爲引

癸巳

温州出口土產宜設公司議

温州自守之國也雜糧魚鹽麻桑油鐵皆足自衛而出

產實苦無多闔郡出口之貨以藥材茶礬甌柑爲四大宗歲約百數萬金近年類多折閱蓋無公司以持之也擬請練達紳富主其事一切出口貨物皆分設公司都城上海各設一局揀正貨物平定價目分次出口以我馭人而不爲人所馭方可稍持利權卽如甌柑一項外商以進口之少也輒故意驟漲其價及至貨物一齊遂卽從而大跌則致於人之故也三項之中尙屬吾郡特產茶則無論印度東洋俄美等邦日漸廣植卽就內地而論吾甌亦不敵鄂省之夥宜聘請諸練茶師先於郡局自行嚴揀分等裝箱務使甌茶着實可靠庶甌庄名目大振將來獲益可無算也其公司之法當畧爲變通

郡城設局收買不得故意刻削致礙士民願入股分者  
先將貨物按時酌值計數給與股票由局運貨到滬滬  
局自行分等另議價目綜計本值及一應局用外須極力  
節此爲公司成敗樞紐 所贏子錢若干照數派還以昭大信管子

所謂利出一孔者富可務券矣再爲定私銷之禁官先  
出示曉諭如有公司各項貨物違禁私運出口者准報  
官查拏卽以其物充賞費關卡巡丁及旂長汛兵一例  
提訊重究不貸如再有走私者到地公司先行賤價以  
窘之當無有再不入股者矣通商以來天下大局皆以  
強併弱以大併小久而不知變計將土產小販日窘中  
國利源日竭長此不返將何以國當道諸公有國計民

生之責者亦盍加之意乎獨温州乎哉己丑

樂清東西二鄉宜急設保甲局議

樂清縣分東西二鄉東鄉界台太及永嘉之柑西溪民俗獷悍每多劫掠敲索搶奪之案月有所聞西鄉地多財富而所苦者則在地痞惡丐宜各設保甲局以爲之衛東鄉村各爲局局舉正副董各一瞭望一人司更二人局勇二十名均帶器械合二十五人闔村輪值畧籌油燭火藥之費如何村有警卽令舉火爲號鳴金放炮各局齊應皆自守隘口各穿勇衣爲識不必追剿頃刻之間闔鄉齊出堵截賊難飛越自無漏網矣傍山沿海等處宜先約定地段某處有警某某等村局勇當搶先

齊列山麓江干堵其歸路如遇不測除報官請卹列入

義勇祠外另行酌助喪費其途路被索者許附近報局

查究西鄉尙無劫掠之風可數村合設一局有索賴民

皆畏訟累及惡丐衣服若平民到處兇勒錢米甚有糾

忍氣被勒擾者許報局代爲送官究辦免其訟費以杜澆風而殷

富之家亦當於平日以恩義結其村民蓋謀國以保富

爲先保富以安貧爲要人貧而我勢不能獨富也欲得

守助之益宜廣收受之策寓井田於保甲其猶足壯矣

哉己丑近吾友呂文起大令於郡城設立

保甲局人頗稱便惜尙未廣之各鄉耳瑞安廣濬北湖條議

瑞城之水發源於城北之集雲山合大小二溪湖流屈

曲入東

虞池

北兩水門交於署前之正陽橋

文廟近在署東泮水合襟

故吾邑文風特盛

分左右二流匯出東水門東行至九里復折

而北與郡城之水會而洩於東山

內隄門三間闊二丈五尺四外隄門二間

闊一丈一尺此去冬與仲

上塢名永蔭河新開內隄門

筋兄及諸友履勘而得者

南河即通海湫共四間闊二丈

一丈出口在天盤巽

南河九尺四寸出口在天盤巽

場橋

即龜山隄門共四間約

海安口一間約丈許水五隄

門國初時湖流深廣舟行繞山麓北上可直至嶺腳

嘉慶時猶可道咸以來滋生日衆梯山爲田如棋枰博罫盤

至頭確墾至山巔夏秋時潦溪流迅急挾沙石而下全湖渾濁

陡漲入城廂故道遂淤登高四望中流一線濼濼如長

溝而已旱潦均受其害

再久不灌下口日漲如遇大水南西嶽等處皆將有倒灌之虞

往歲治前大火城內乾涸救火水龍皆臨河袖手始漸  
有議開濬者虬不敏因僭爲末議十二條冀供當事者  
之採擇焉曰設局曰商功曰籌捐曰出土曰束沙曰包  
工此爲開辦之次第而大旨則以包工爲要着尤當設  
局以善其後善後又約分數事曰丈田曰護堤曰設準  
曰繪圖曰計簿曰立廟都十二條倘不以葑菲見遺於  
濬務或不無小補云一日設局擬擇寬敞地如忠義廟  
等處設局公舉練達有名望者爲董事又選副董二人  
司會計司事數人供弓算測繪立向分捐督工宜分段便覆勘  
及皮藏物件另雇局工十數名爲工頭總董外皆給薪

水

吾鄉公事向無薪水易致富者濫竿材者彈鋏故難  
責以考成名雖樽節實易侵蝕爲地方謀久遠之利

似不宜惜此小費季路受拯溺之令各有地段職事不

得推諉弊混功成勒碑記姓氏一日商功開辦之始當

先就湖身畫段測量萬不可先行濬丈則欲舉事之始過於紛更不特畏難易止且防掣

肘分鬆土新漲堅土老淤計分幾段共長若干丈湖分闊狹

二道闊者面開廣一丈八尺底廣一丈二尺八寸狹者

減三之一皆以深九尺六寸爲率潭面各徑三丈六尺

深皆一丈九尺二寸上周十丈八尺中周九丈二尺核四寸五分下周七丈六尺九寸

計應開之湖當出土若干尺每工日出幾方每方統馭百尺

以九章商功之法開濬方有把握不至茫無頭緒吾邑工作

皆不知商功之法往往以一日籌捐捐分三項曰山廠

糜費過多而草草了事聞約千餘家須查十按戶派工一例捐錢准其以工相

二都地保門牌冊

抵切勿派工致令老弱

日田畝

聞近萬數須細核十二都冬藏往三號田鱗

每畝業佃各輸若干斤不必分等日城廂

聞約四千餘家亦須查保

甲大戶捐銀中戶輸米

設米關按月一收

下戶免又當另借公

款或罰

以爲先事之舉而城廂湖道則令遵照局章畫

段自濬局中派司事以督之一日出土縣龍發脈於集

雲山內堂龍虎第一山蟠其左趙家山路其右而左苦

其龍神之短右苦其巖石之醜宜於第一山就近出土

池東接築沙邱以避牛臥嶺之凹風庶高家陽等處方

可生聚

高家陽本大村落近巖漸無人煙

趙家山就近出土遮培巖石

直至外陶尖兩處廣栽松檜柳杉務使翦鬱成林湖岸

兩傍各開長堤上廣四尺二寸下廣四尺八寸高五尺

四寸

每丈計可占土二百四十三尺

而不盡之土則以西門外竹排頭

江邊爲尾閘先行撻木施以椿楸雜料而後填築沙土

大可墾田置屋

切勿堵塞小澗及填百歲坊之新

而出

土則宜間用牛板車

如省城西與載貨車式

爲便利一日束沙山

作勢無可禁預當設法以堵新漲宜濬舊潭以爲束沙

入潭之舉查全湖舊有深潭數處

舊湖水法確有深意河埭橋之水不使直

越第一山必令紆道折而西北行繞高橋澗逆流入東

洋湖則第一山以南皆城橫水之局而又多設深潭瀦

水合氣不直洩蓋出水過駛實形家所忌今當一一修復約共數處非唯瀦

水備旱兼取束沙放淤西畧則牛角潭南畧則趙家山

前河埭橋則牛輓甩

此潭尤要

高家陽則牛溪潭牛臥嶺前

則李姓墓前龍池蓋五處首受沙淤潭底前後當築小

壩高一丈九尺二寸令與湖底平防沙漲則沙石皆先  
及五潭而後汎及湖身以每潭中周九丈二尺四寸五  
分下周七丈六尺九寸深一丈九尺二寸計之可受沙  
淤一千一百五十尺另四寸計五潭所積約近六千尺  
每歲可僅就五潭挽淘數次較易爲力此外如沙城頭  
高橋澹口四板橋坎舊有三  
大潭雕橋底東垵橋後菱湖陳  
府廟北皆當一體修復如勢難遍舉則趙家山前牛軛  
屯牛溪潭沙城頭雕橋底陳府廟北六處必不可少此  
其要也一日包工所謂包工非令畫段包濬也宜令局  
工數人自行先濬一處約每工日可出土幾方每船可  
載幾千斤刻其大  
木爲護然後分段令濬計船給值出土近遠

做此須就籌捐所及之處招工不可遠募以示調劑蓋  
千鋪齊施耳目難周實以包工爲利便但當令就近居  
民包估出土萬不可畫段計值統令地豪概行承濬致  
礙局章而施工之先後則以出土出水之遠近爲次全  
湖告竣然後細按鱗冊清丈凡民田被濬者照時值給  
價舊係湖身者入局招佃此謂丈田沿堤皆令栽樹以  
護堤身全湖日久方無移佔之虞堤在東者宜桃柳在  
西者宜梅櫟而皆間以桑竹烏桕禁攀折畫地招佃承  
管不特四時掩映可增風景儘可兼收其值以裕經費  
此謂護堤城廂旱乾固由來源不旺然亦各隄門走洩  
過甚所至宜於治前及簣管橋與各隄門處所詳定水

則轉設閘夫示以啟閉之節違者重究首告給賞

從前閘夫

得規隄門日啟以便捕捉走私夏秋水滿之時大湖灌

入稻田被浸不少苦無舉告去冬虬偕友人曾燕卿廣

文等聯名呈禁此風少革此謂設準邑乘水道舊無全圖宜分北湖

城廂爲二圖開方測繪存局備稽考此謂繪圖辦過工程一應夫工錢捐等項以及分段督工姓氏一一彙清登簿轉派司事十數人常年輪管湖務此謂計簿吾邑祠宇甚多而獨無水神亦非思源之道宜就河埭橋等處立廟以祀水神湖田堤產概充廟祀廟勒吉金以垂久遠此謂立廟管子曰利陂溝潰泥滯通鬱閉此謂遺之以利其實水之爲用尙不盡此蠲疵癘消穢悍息火患振文風一皆主之於水蓋水爲天一之氣所生人寓

其間涵濡沐浴動與天游故古人水正設官府事修和釀成於變之化若能參用形家之術修改湖道更以其法遍及各鄉一例開濬利賴尤無窮哉 辛巳

斗山陳氏睦族四議

唐天寶間有姓陳氏官永嘉郡經學博士諱竹屋公者清溪郡沙岸人也實爲吾宗來甌之始遷祖五世而太域公廬墓簫臺轉徙樂成二十一世孫松齋公諱登當明弘治正德時參瑞安三港幕吏遂遷瑞安顧三地皆無宗祠保受救葬闕如也屆虬三十二世矣譜又久失修光緒壬午虬乃創訂宗譜詳定義例爲譜者二十序論凡十數萬言五易稿而始克於己丑藏事顧舊散佚者

尤不能盡紀也又葺爲陳氏譜畧六卷將先梓行爲收  
族計續創建祠置倉族葬宗祀四議願輸百金爲倡有  
尼之者事未果行因存其議以俟徐圖建祠之法須擇  
寬敞地前置義倉後設義學以便耕讀義學又分二等

曰村學曰蒙學村學則僅取日用諸書留心解說

如百家姓

千字文蒙求急就章小學韻語勿學須知三才畧等數部

三年之後儘可應酬蒙學

則擇取聰穎子弟望其大成每年酌提公款添置書籍  
義倉之法春放秋還加息二成收放一皆以穀不准以  
錢相抵蓋穀春時多貴秋收易賤名雖收息暗實無損  
而大宗又歲可得贏此卽社倉青苗之優劣實係赤貧  
另行量助族葬之法當擇平垸地數畝每畝可厝百餘

棺區爲數等畧按行次以待貧不能自舉者隙地仍可種桑及烏桕等樹收其餘息備用宗祀之法所以綿世德也人無百年富無十世君子之澤有時或斬其有子姓衰微祠墓圯墟者卽在行道猶爲盡傷况吾宗人然勢不能遍及也今畧參宗法之意以爲尙義者勸凡捐輸祠產計值百金以上者歲祭三百金者派人墓祭數逾千金則三十年一修其墓永爲常例不論子嗣有無皆主於宗子凡此數議非錢不辦議設宗輸之目曰丁曰稅丁則八每三分不分男女稅則畝收五斤佃者減半歲永爲常核計所入先提二成不許動支

別置一倉名曰盈餘

另開一簿經理得宜族中善舉積久皆可次第舉行此

嘗謂無論公私世業皆當扣存二成俶社倉積穀收息  
法三十年後天下無貧民矣其四民廢疾不能自存者  
計口給食如此則仁睦之心油然而生范氏義田不能  
專美於前矣

庚寅

### 均子篇

古聖制禮事可義起治平有基齊家爲首誠以王化之  
原本於門內故父子夫婦昆弟屬五達道此而勿講遑  
論參贊晚近澆漓父子夫婦尙多循分友于之風漸至  
闕如追念昔人形影聲響之喻同案傳服之論輒用慨  
然僕爲此懼特創均子之說庶連枝同氣寒暖可均雖  
備觴離跂未可繩武他氏垂之家訓冀後吾者永共遵

焉攷之古法小宗可絕大宗則否今俗皆立繼意猶近厚國朝定制一主親愛然爭繼奪產身後頻聞一訟之與傾家破產手足參商視同胡越覆宗絕祀曾莫之顧固由末俗天性之薄抑以先無良法以劑之也法如兄弟三人甲乙及丙共得七子丁戊己庚辛壬與癸不拘親生須令丁庚癸爲甲子戊辛己壬分後乙丙統以所生先後爲次歲週斷乳卽令繼養女子伯仲悉從一例按序不足可行兼祧獨子無後間取五服以濟其窮約舉此法有數善焉天顯之義勢難戶曉若知子嗣卽出昆弟則人樂多昆友愛倍篤一善也家道成敗半由婦人陰教不修刑于易阻若易子而撫子姪一體妯娌之

間自然無間二善也不孝有三無後爲大父母生子各  
冀其成若同父之子無慮乏嗣親心大慰非惟勸悌兼  
可致孝三善也子女繁多類耗家財一均之後產自無  
偏嗣續家產兩免向隅且可暗杜爭產之風四善也長  
房之子常長各房昭穆之間長幼秩然且繼不異祖將  
親親尊祖動乎天性五善也變通宗法井田之意均其  
勞苦同厥安樂蚩蚩之氓皆將勉爲孝子悌弟民日遷  
善而不自知風同道一邛治可期六善也僕少遭孤露  
先嚴亡叔弱齡見背遷瑞以來傳世十數羣從兄弟僅  
止七人門祚衰微怒焉心傷年逾立境猶虛膝下季弟  
幼學未婚又殂倉卒立繼未協倫序昆季之間勢無可

改有後吾者可遵斯旨如乖吾趣春秋麥飯吾必弗歆  
雖違越禮教見呵儒先而一得之愚頗謂擷經之精執  
聖之權業以整齊門內提撕孫子其於世道人心亦良  
有裨知我罪我又何計焉

癸未

求志社記

始吾讀桃花源記而悲之悲夫以淵明之賢坐視典午  
之覆神州陸沉而莫之援徒鑿空爲避地計何遇之窮  
也後讀顧况莽墟賦乃始恤恤然疑以爲吾甌豈亦真  
有所謂桃源其地耶雖然粵之獠楚之獬閩臺之生番  
狃狃獠獠自爲君長不復知人間世有神聖皇王事臥  
倨倨興眈眈縱長年大老亦古裸國民類耳奚貴哉吾

友許子拙學負經世材久不得志嘗欲率同志爲入山舉擬其名曰安樂村而囑虬議其事虬維吾儕生長

天朝踐土食毛垂三百年值此車書大同而欲長守渾噩非計也請改其名曰求志取隱居求志義而倣古法以二十五家爲一社衆皆曰善將擇三十二都之鹿窠而託焉議合社各穿布衣示同方戒羅綺惟在外宦學者不禁社中設大院五楹三座中堂榜曰求志堂東西序爲住房倣滿州防營式房各三楹界以門牆前後簷下皆闢小門直達大堂前後左右各十二座擇中設閣如譙樓輪值鳴角其上定啟閉爨食之節中設神龕祀各姓之祖先廂以處社長堂前爲門門有廳廳左右

有塾備幼讀塾後左以置書籍右以置倉困堂後有室  
便婦女工作室外又設草廩而一切碓厠雜物與曝場  
皆具焉周繚以土垣去院門百餘武外當入境隘處建  
柵署曰求志社門前夾植松柏檜槐就近結小廬以  
便過客小憩及歸里者更衣之所然後闢田疇修溪塘  
藝瓜果植花木約地三頃費萬餘金家出五百貫而事  
舉矣社推一人爲長便約束爲定冠婚喪葬四禮冠以  
十六爲斷喪仍三年之制婚則男女二八皆當婚歲以  
二月之吉父母取男女無喪病事故符年限者不准笄  
書名氏男配律女配吕枚卜於祠堂男女各按長幼之  
序次第卜吉卜定旬日婿家具新衣一襲問名刪六禮

禁奩費省合婚之說擇吉成禮葬則做族葬之例按序  
平列墓前修植蔭木勒碑碣社選司會一人採辦二人  
教讀二人按班輪值皆給薪水計口給食米大口一升  
小口五合其一應魚鹽瑣屑之事均各自便交採辦搭  
買公派家不足以自贍與有四方之志者准外出而社  
中代爲經紀其家無父母室人之顧疾病死亡之累可  
耕可樵可仕可止可來可去身世俛仰翛然自得生人  
之樂備矣不僅唯是河汾之業綿蕝之場皆將於斯社  
基之上以紆君國之憂下以傳之其人當是時友朋文  
物極一時盛許子拙學外如林子香史王子小雲金子  
韜甫池子次滂陳子介石何子志石及虬兄仲舩弟季

未間皆能修明絕學供世馳驅自天官輿地典禮樂律  
文章掌故以及算數醫卜書畫篆刻擊刺騎射等術無  
不各輸所長挾一藝以自贍中更世故事未果行拙學  
出游江淮鬱鬱無所遇不幸遂死香史小雲又先後殂  
謝死者長已矣存者又復如儒墨之異趨爲世所指摘  
不克堅守舊約而社事遂散方事之盛也布衣之名藉  
甚時流有氣力者頗不便其所爲爭構爲布衣黨之名  
庚寅北上座師太史陳公首相詰問蓋都下亦皆知有  
東甌布衣矣歸自京師忌者尤衆虬恐踵明季諸社之  
禍懼及友朋眇胡禹裸首變初服而吾志亦漸荒矣雖  
然使虬異日得稍自見周旋世故十數年後猶將按圖

訪故址翦榛葳開宅里重啟講堂彈琴詠歌與二三故  
人衣冠揖讓其間仰視天際犬吠雲間雞鳴樹巔楓林  
槭槭作長嘯聲彷彿若有見風車雲馬囊書矢軒軒而  
來者得毋拙學諸友之靈陰相予成則劔佩歛衽肅拜  
而前曰菟裘猶在幸吾子毋忘夙昔幽明共之使千秋  
萬世後永知吾甌有求志片土喜可知也不然四海之  
內百世之下必當有同警欬者古今人胡遽不相及乎  
社事告成於春秋雞豚之局分吾瓣香則區區不死之  
心終當於此中託魂魄焉如不沒其葦路創議之功則  
願舉盃酒相酌曰先生歸來乎息壤在彼請先書此記  
以爲之券

壬辰

史法章

古史之興肇乎倉頡宣尼筆削迺有春秋邱明受經創  
爲傳體年經月緯一主編年龍門繼簡始爲紀傳各史  
因循遂沿不改揆其始作人自爲傳不相雜廁總會人  
物區詳易覽亦有足多其時漢氏初興去古未遠公私  
學術尙少分門列之一傳自無不賅魏晉以降英彥蠡  
起一人之身兼有數長若施以獨傳則踳駁無倫苟以  
文體遂乖史法於是載筆之徒類多刪削詳其所畧畧  
其所詳疏闊之譏殆難免焉似宜參用編年如名先年  
譜畧施小傳次其履歷分年綴事不取文言庶文無泛  
論按實而書詳實準當可稱史則其儒林循吏職官等

目可做班氏古今人表區爲九等鈞元提要以示龜鑑  
明白頭訖之序品酌事例之條雖殊古式自謂頗得事  
序一得之愚冀有採焉

丙子

書校邠廬抗議後

右抗議二卷吳縣馮林一宮允所著書也宮允自序稱  
桂芬讀書十年在外涉獵於艱難情僞者三十年一官  
無言責懷欲陳之而未有路鄉居時創小大戶均賦議  
輒中僉壬所忌蓋當時顧亦未有好之者嗣讀顯志堂  
集知宮允於辛酉壬戌在滬設會防局襄籌防勦繼又  
定入皖乞師之策東南大局賴以旋轉又與當道詳減  
東吳浮賦歿後鄉人追念前勞籲請奏建專祠旋蒙

俞允夫儒者任道之重著書用世皆完吾分內事原  
不冀異日之馨香然有陰行者必有昭名當時謠咏之  
徒媚嫉性成百計以撓其議者卒無損乎毫末乃有志  
竟成俎豆之報且近在身後而遺書亦遂稍稍見採於  
世士之懷材不遇汶汶於當時者亦何患無見伸之一  
日哉議凡四十九條與拙著治平通議頗多異同然各  
有宗旨並存可也夜廬燈火意有所感爰書以自勵

子

書顏氏學記後

顏氏聖人之徒也而其學不能無所省金滕之策曰不  
若旦多材多藝顏淵曰夫子博我以文卽周孔之教亦

曷嘗以通博爲諱哉勞形神杜聰明孜孜趨時欲規三代之盛殆出入於孔墨間而不能自去其宥者雖然世方役役於詞章訓詁義理之學鄙經制爲粗疏坐視世變而莫之措尋其所志苟以標宗派立師承邀俎豆而已亦安得如先生者振興其間一掃而空懸聖鵠以爲之招哉顏氏屈今又二百餘年矣時移勢易風氣日開車書之盛實有爲古先知能所不及者若通其藪益廓而大之其於聖學也幾矣

癸巳

治平通議卷八

終

東詠古齋刻字